

# Fundur Svæðisráðs Norðursvæðis Vatnajökuls- þjóðgarðs, 28 Ágúst 2008.

**Mættir:** Ingólfur Ásgeir Jóhannesson frá umhverfisverndarsamtökum, Ingvi Ragnar Kristjánsson frá Ferðamálasamtökum Norðausturlands, Ingvar Þóroddsson frá Samtökum Útivistarféлага, Böðvar Pétursson frá Skútustaðahrepp, Friðrika Sigurgeirssdóttir frá Þingeyjarsveit, Katrín Eymundsdóttir frá Norðurþingi og Hjörleifur Finnsson þjóðgarðsvörður sem ritar fundargerð.

Fundur settur kl. 16.00

## Dagskrá:

1. Kosning formanns Svæðisráðs
2. Mörk svæðis sem verndaráætlun mun taka til.
3. Húsnæðismál starfsmanna í Jökulsárgljúfrum.
4. Sjálfboðaliðar í Þjóðgarðinum.
5. Dettifossvegur: Botnlangar í Vesturdal og Hólmatungum.
6. Önnur mál.

### 1. Kosning formanns Svæðisráðs

Böðvar Pétursson kosin formaður einróma og Katrín Eymundsdóttir varaformaður, sömuleiðis einróma.

### 2. Mörk svæðis sem verndaráætlun mun taka til.

Böðvar gerir grein fyrir málinu. Meinar að réttast væri að taka fyrir það sem lagt er til í skýrslu ráðgjafanefndar umhverfisráðneytisins frá 2006 (Bíblíunni). Ingólfur bendir á að hægt sé að fara eftir tillögum þingmannanefndarinnar (Nefndar um stofnun þjóðgarðs eða verndarsvæðis norðan Vatnajökuls).

Nokkur umræða spannst um það land í Ásbyrgi sem er utan þjóðgarðs þ.e. hluti af byrginu sjálfu; gestastofuna sem tilheyrir Skógrækt Ríkisins og vesturbarm Ásbyrgis sem tilheyrir Landbúnaðarráðuneytinu. Halda þarf þessu máli vakandi gagnvart Umhverfisráðuneytinu og stjórn. Böðvari falið að gera það á næsta stjórnarfund.

Böðvar leggur til að tillögur ráðgjafanefndar umhverfisráðneytisins frá 2006 verði hafðar sem lágmarksviðmiðun um stærð svæðisins.

Bent á að því stærra svæði sem undir verndaráætlun færi, því auðveldara er fyrir landeigendur að meta hvort þeir vilji fara inn í þjóðgarð með sín lönd.

Samþykkt að miða við tillögur ráðgjafanefndar umhverfisráðneytisins frá 2006 að lágmarki.

### 3. Húsnæðismál starfsmanna í Jökulsárgljúfrum.

Hjörleifur greinir frá stöðu mála, sbr. fylgiskjöl fundarins “Gróf áætlun húsnæðisþörf starfsmanna í Jökulsárgljúfrum” og skýrslu frá Framkvæmdasýslu Ríkisins um ástand eigna í Jökulsárgljúfrum.

Böðvar greinir frá að samkonar vandamál sé til staðar í Skaftafelli.

Þar sem ekki er raunhæfur leigumarkaður á svæðinu beinir Svæðiráð til stjórnar að byggt verði boðlegt leiguhúsnæði fyrir heilsársstarfsmenn og sumarstarfsmönnum verði séð fyrir vönduðu húsnæði. Ráðist verði tafarlaust í nauðsynlega skipulagsvinnu svo framtíðarlausn verði fundin á þessu máli.

Til skamms tíma leggur svæðisráð til að þjóðgarðurinn leigi húsnæði og endurleigi heilsársstarfsmanni.

#### **4. Sjálfboðaliðar í Þjóðgarðinum.**

Hjörleifur greinir frá samtölum sínum við Chas Goemans umsjónarmann sjálfboðaliðastarfs í náttúruvernd á vegum umhverfisstofnunar, þar sem lítur út fyrir að framtíð starfsins sé í óvissu, þar sem ekki hefur verið gengið frá samningum milli Vatnajökulsþjóðgarðs og Umhverfisstofnunar. Samkvæmt tölum frá Chas fer meira en helmingur alls starfsins fram innan Vatnajökulsþjóðgarðs, þar af 98 starfsvikur í Jökulsárgljúfrum.

Svæðisráð beinir því til stjórnar Vatnajökulsþjóðgarðs að fundin verði farsæl lausn á samstarfi Umhverfisstofnunar og Vatnajökulsþjóðgarðs svo hið mikilvæga starf sjálfboðaliða geti haldið óhindrað áfram.

#### **5. Dettifossvegur: Botnlangar í Vesturdal og Hólmatungum.**

Hjörleifur kynnir hugmyndir að breyttum Botnlöngum (sbr. fylgiskjal “Nokkrir möguleikar varðandi botnlanga Dettifossvegur”). Svæðiráð felur honum að vinna málið áfram.

#### **6. Önnur mál.**

Böðvar gerir grein fyrir verkefni um tengsl menningar og náttúru undir stjórn Ásu Richards.

Böðvar gerir grein fyrir stöðunni hvað varðar samræmingu á verndaráætlun einstakra svæða innan Vatnajökulsþjóðgarðs.

Svæðisráð þakkar Þorsteini Hymer, sérfræðingi, vel unnin störf í þágu þjóðgarðsins undanfarin ár og felur Hjörleifi að kaupa viðeigandi þakklætisvott og afhenda við gott tækifæri fyrir hönd ráðsins.

Fundi slitið 19.30